


89 წელი თქვენთან ერთად!

89 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.
გამოცემის საიუბილეო, 90-ე წელი!



„არს მთის კალთას, სკანდას, სასახლე მეფეთა და ციხე დიდი, დიდშენი“
მანუშტი ბაბრატიონი

თერჯოლა

საზოგადოებრივი გაზეთი • გამოდის 1933 წლიდან • №7 {7060} 4 აპრილი 2022 წელი • Facebook გაზეთი თერჯოლა



კვლავაც გაუნელებელი ტკივილი

ეს დღე „იქნება მარად ამაღლებული და დიდებული“, რადგან ჩვენი ბედკრული ისტორიის ერთი მხოლოდ ცრემლიანი კი არა—სისხლიანი ფურცელია.

1989 წლის 9 აპრილს, რუსული ჯარების მიერ, თბილისში, რუსთაველის გამზირზე მშვიდობიან მომიტინგეთა დარბევისას, ორ ათეულზე მეტი ადამიანი გარდაიცვალა, რასაც პროგრესული კაცობრიობის დიდი პროტესტი მოჰყვა.

ჯერ კიდევ მაშინდელი საბჭოთა კავშირის დეპუტატთა ყრილობაზე, ქართულმა დელეგაციამ პროტესტის ნიშნად დატოვა ყრილობის სხდომათა დარბაზი. ქართველთა დელეგაციასთან ერთად, სოლიდარობის ნიშნად, დარბაზი ასევე დატოვეს ყრილობის მონაწილე სხვა რესპუბლიკების არაერთმა დეპუტატმა. ამ ამბავს ასე აფასებდა ჩვენი საყვარელი პოეტი ანა კალანდაძე...

იქნები მარად ამაღლებული და დიდებული!

„უღმრთო ზრახვა“ ხომ არასოდეს გაგივლია გულში, მრავალტანჯულო ჩემო ქვეყნავ, იმიტომაც ხარ და იქნები მარად ამაღლებული და დიდებული! იმიტომაც ამოუდგა მხარში სხვადასხვა ეროვნების წარმომადგენელთა უმრავლესობა მძიმე წუთებში ქართველ დეპუტატებს, რომელთაც შარშან,

დეკემბერში, პროტესტის ნიშნად დატოვეს სსრ კავშირის სახალხო დეპუტატთა მეორე ყრილობის დარბაზი, სადაც „გაჭირვებულთა შენთა“ უნდა ეზეიმათ (9 აპრილის ცოდვა მხოლოდ და მხოლოდ ჩვენ უნდა დაგვდებოდა!) ვერ კი იზეიმეს, რადგანაც „არა იყო პირსა მათსა ჭეშმარიტება“!

სოლიდარობა უკრაინელ ხალხს!

მსოფლიოს გაერთიანებული ერების ორგანიზაციის, მისი უშიშროების საბჭოს, მსოფლიოს ქვეყნების ცალკეული ლიდერების და საერთოდ, ცივილური სამყაროს დიდი ძალისხმევების მიუხედავად, 24 თებერვლიდან დღემდე ვერ მოხერხდა რუსეთ-უკრაინის შორის მიმდინარე საბრძოლო მოქმედებების შეჩერება.

უზარმაზარია მატერიალური ზარალი, რაც უკრაინამ უკვე მიიღო. მიწასთანაა გასწორებული ათეულობით ქალაქი და სოფელი, ინფრასტრუქტურული ობიექტები—სკოლები, საბავშვო ბაღები, საავადმყოფოები, საცხოვრებელი სახლები, საკომუნიკაციო და სატრანსპორტო საშუალებები...

ნიშანდობლივია, რომ ისე როგორც სრულიად



საქართველოში, თერჯოლის მუნიციპალიტეტში აქტიურად გრძელდება სხვადასხვა სახის აქციები უკრაინელი ხალხის მხარდასაჭერად.

თერჯოლის მუნიციპალიტეტის მერმა, ლაშა გოგიაშვილმა და საკრებულოს თავმჯდომარემ გიორგი ბარათაშვილმა სოფელ ალისუბანსა და ზედა საზანოში ის ოჯახები მოინახულეს, რომლებიც უკრაინიდან — ხარკოვიდან, მარიუპოლიდან, ასევე ხერსონიდან ჩამოვიდნენ და დროებით ჩვენს ქვეყანაში აპირებენ ცხოვრებას.

ხელმძღვანელმა პირებმა უკრაინელ ოჯახ-

ებს საკვები პროდუქტები და სიმბოლური საჩუქრები გადასცეს, მოისმინეს მათი საჭიროებები და თანადგომას დაჰპირდნენ.

უკრაინელ მოქალაქეებთან საუბრისას, რასაც ასევე ესწრებოდნენ ალისუბანის მაჟორიტარი დეპუტატი, ბადრი ბუცხრიკიძე, საზანოსა და თუზის მაჟორიტარი დეპუტატი, დავით გოგბერაშვილი და ადგილობრივი თვითმმართველობის სხვა წარმომადგენლები, აღინიშნა რომ მუნიციპალიტეტის მერიის მხრიდან აღნიშნული ოჯახების მიმართ თანადგომა მანამდე გაგრძელდება, ვიდრე ამის საჭიროება იქნება.

აუნაზღაურებელია ის დიდი ტკივილი და მწუხარება, რაც ამ ომმა მშვიდობიან მოსახლეობას მოუტანა—ათასობით დაღუპული და დასახიჩრებული, ასეულობით გარდაცვლილი და ობლად დარჩენილი ბავშვი.

ამ ომში იღუპებიან არა მარტო რუსი და უკრაინელი სამხედროები, არამედ მოხალისეები სხვა ქვეყნებიდან. საქართველომ უკვე დაიტირა იქ მებრძოლი ოთხი ქართველი: დავით რატიანი, გია ბერიაშვილი, დავით გობეჯიშვილი, ბახვა ჩიქობავა, რომლებიც უკრაინელთა მხარდასაჭერად იბრძოდნენ...

მწუხარებას გამოეხატავთ და თანაუგრძნობთ დაღუპულთა ოჯახებს, მათ ახლობლებს.

უკრაინელი ხალხის დახმარების მიზნით, გახსნილია ანგარიში, სადაც ნებისმიერ მსურველს აქვს შესაძლებლობა გადარიცხოს თანხა და გახდეს ქველმოქმედების მონაწილე.

ანგარიშის ნომერი-300208800
აქცია გრძელდება, მონაწილეობის მსურველებმა ინფორმაციისთვის უნდა დარეკონ ან მივიდნენ შემდეგ მისამართებზე: საკონტაქტო: 598 58 74 38; 598 70 75 40
მისამართი: რუსთაველის ქუჩა №103; (სპორტის სასახლე)

„მეგობრები არ ითვლიან ქრომოსომებს“

21 მარტს, დაუნის სინდრომის საერთაშორისო დღეს, თერჯოლის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის ორგანიზებით სპორტის სასახლის მიმდებარე ტერიტორიაზე გაიმართა აქცია „მეგობრები არ ითვლიან ქრომოსომებს“.



ამბები თერჯოლის მუნიციპალიტეტიდან

„სოფლის მხარდაჭერის პროგრამა“—2022

ვნების კვირა



ოჯახი ქართულ-უკრაინული ტრადიციებით

აპრილი

- 7 აპრილი—ხარება
- 9 აპრილი—საქართველოს დამოუკიდებლობის აღდგენის გამოცხადების დღე
- 14 აპრილი—დედაენის დღე
- 17 აპრილი—ბზობა
- 24 აპრილი—აღდგომა

სამუშაო შეხვედრა ახლადდანიშნული კადრების წარდგენით...

გასულ კვირას თერჯოლის მუნიციპალიტეტის მერი-აში, მუნიციპალიტეტის მერმა, ლაშა გოგიაშვილმა მოადგილეებთან ერთად, სამსახურისა და განყოფილების უფროსებთან, ა(ა)იპის ხელმძღვანელებთან და ადმინისტრაციულ ერთეულში მერის წარმომადგენლებთან ყოველკვირეული სამუშაო შეხვედრა გამართა.

თათბირზე ლაშა გოგიაშვილმა, მერიში ჩატარებული კონკურსის საფუძველზე დანიშნული ადმინისტრაციული და შესყიდვების სამსახურის პირველადი სტრუქტურული ერთეულის ხელმძღვანელის პოზიციაზე ლაშა ლანჩავა წარადგინა.

ლაშა ლანჩავა, თერჯოლის მუნიციპალიტეტის საკრებულოში სოფელ ნახშირელის მაჟორიტარი დეპუტატი გახლდათ. იგი არის მაღალი დონის კვალიფიკაციური კადრი, რომელიც გამოირჩევა გუნდური მუშაობითა და ეფექტური კომუნიკაციის უნარით და საქმეს ყოველთვის პასუხისმგებლობით ასრულებს.

მუნიციპალიტეტის მერმა, ახალი თანამშრომელი წარადგინა შიდა აუდიტისა და ინსპექტირების სამსახურის ხელმძღვანელის პოზიციაზეც. აღნიშნულ სამსახურს, სოსო არაბიძე უხელმძღვანელებს, რომელიც მანამდე საგზაო ტრანსპორტის მოძრაობის უსაფრთხოების განყოფილების უფროსის პოზიციას იკავებდა.

„ჩემთვის მნიშვნელოვანია საჯარო სამსახურში მუშაობის სამართლიანი და თანასწორი პრინციპების გააზრება, რომელიც ზრდის ეფექტურად და წარმატებით მუშაობის შესაძლებლობას.“



ცხოვრების დიდი ნაწილი სამართლისა და სამართლიანობის დაცვის მიმართულებაზე ვიმუშავე, დანყებულნი ყველაზე დაბალი პოზიციიდან, დამთავრებული სამსახურის / განყოფილების უფროსობამდე, რაც მაძლევს იმის თქმის უფლებას, რომ კარგად მესმის საჯარო სამსახურის მუშაობის ძირითადი მიმართულებები.“ —აღნიშნა სოსო არაბიძემ.

მუნიციპალიტეტის მერმა, თანამშრომლებს დაკავებულ პოზიციებზე მიულოცა და სამომავლო საქმიანობაში წარმატებები უსურვა.

სამუშაო შეხვედრაზე, ხელმძღვანელმა პირებმა, თითოეული სამსახურის უფროსისგან შესრულებული სამუშაოებისა და დაგეგმილი ღონისძიებების შესახებ მოისმინა ინფორმაცია.

ლაშა გოგიაშვილმა, მუნიციპალიტეტის საქმიანობის პრიორიტეტულ მიმართულებებზე გაამახვილა ყურადღება და თანამშრომლებს შესაბამისი რეკომენდაციები მისცა.

თათბირზე, მერის მოადგილემ, მირზა ქოჩიაშვილმა დეტალურად ისაუბრა საქართველოს პრემიერ-მინისტრის, ირაკლი ლარიაშვილის ინიცირებულ პროგრამაზე, რომელიც სოციალურად დაუცველი პირების, საზოგადოებრივ სამუშაოებზე დასაქმებას უზრუნველყოფს.

დასაქმების პროგრამაში ჩასართავად, ბენეფიციარებმა სოციალური მომსახურების სააგენტოს სერვის ცენტრებს უნდა მიმართონ.

გამოიყენეთ შესაძლებლობა უფასოდ დაარეგისტრირდეთ საკუთრებაში არსებული მიწის ნაკვეთები!

იუსტიციის სამინისტროს საჯარო რეესტრის ეროვნული სააგენტო 2022 - 2024 წლებში საქართველოს ყველა მუნიციპალიტეტში (გარდა ოკუპირებული ტერიტორიებისა და თვითმმართველი ქალაქებისა: თბილისი, ბათუმი, ქუთაისი, რუსთავი, ფოთი) სისტემური წესით ეტაპობრივად აზომავს და კერძო, სახელმწიფო ან მუნიციპალურ საკუთრებაში არსებულ მიწის ნაკვეთებს დაარეგისტრირებს.

იუსტიციის სამინისტროს ინფორმაციით რეფორმა ქვეყნის 1000-ზე მეტ ადმინისტრაციულ ერთეულს ანუ 4000-ზე მეტ სოფელს მოიცავს. მიწის სისტემური რეგისტრაცია 2025-წლის პირველ იანვრამდე დასრულდება.

სისტემური რეგისტრაციის ფარგლებში უფასოა შემდეგი მომსახურება: უფლების დამადასტურებელი დოკუმენტების მოძიება და სისტემატიზება; მიწის ნაკვეთის საკადასტრო აგეგმვითი / აზომვითი ნახაზის მომზადება; საკადასტრო მონაცემების ცვლილება; საჯარო რეესტრში მიწის ნაკვეთის რეგისტრაცია; საკადასტრო აგეგმვითი / აზომვითი ნახაზის გარეშე რეგისტრირებული მიწის ნაკვეთის აზომვა და მონაცემების დაზუსტება; გარიგებაზე მხარეთა ხელმოწერების დამონება; დავების გადაწყვეტა (სანოტარო მედიაცია); მართლზომიერ მფლობელობაში არსებულ და თვითნებურად დაკავებულ მიწის ნაკვეთებზე საკუთრების უფლების აღიარება; ფაქტების კონსტატაცია.



მიკრო და მცირე მენარმეობის განვითარების საგრანტო პროგრამა— 2022 დაიწყო...

2022 წლის 21 მარტიდან დაიწყო და 11 აპრილის ჩათვლით გავრცელდება ბიზნეს იდეების მიღება, სააგენტო „ანარმოე საქართველოში“ მიკრო და მცირე მენარმეობის ხელშეწყობის საგრანტო პროგრამაზე.

მიკრო და მცირე მენარმეობის ფარგლებში გამოცხადებულ საგრანტო კონკურსში მონაწილეობის უფლება ექნება საქართველოს ნებისმიერ სრულწლოვან მოქალაქეს, როგორც მენარმე სუბიექტს, რომელსაც პროგრამის ფარგლებში დაფინანსება არ მიუღია ან პირველად მონაწილეობს, ასევე - მენარმე სუბიექტს, რომელმაც ერთხელ უკვე მიიღო პროგრამის მიკრო და მცირე მენარმეობის ნაწილით განსაზღვრული ხელშეწყობა. შეზღუდვა შეეხებათ 2020 წლის ეტაპის ფარგლებში დაფინანსებულ ბენეფიციარებს, ასევე 2015-2018 წლებში არაუმეტეს ერთხელ უკვე დაფინანსებულ ბენეფიციარებს.

მენარმე სუბიექტებს პროგრამის ფარგლებში გრანტის მიღების შესაძლებლობა ექნებათ, როგორც მათთვის უკვე დაფინანსებული საქმიანობის გაფართოების, ასევე, ახალი ბიზნეს პროექტის განხორციელების შემთხვევაში.

პროგრამის ფარგლებში გრანტის მოცულობის ზედა ზღვარი 30 000 ლარია, ხოლო საპილოტე რეგიონებში (იმერეთი, რაჭა-ლეჩხუმი ქვემო სვანეთი, გურია, კახეთი) საგრანტო თანხის მოცულობა 40 000 ლარამდე გაიზარდა.

პროგრამის ფარგლებში გათვალისწინებულია შემდეგი პრიორიტეტები;

- ა) ახალი ბიზნესის წამოწყება;
- ბ) ქალი მენარმის მიერ ბიზნესის დაწყება / გაფართოება;
- გ) სოფლად ბიზნესის დაწყება / გაფართოება;
- დ) მაღალმთიან დასახლებულ პუნ-

ქტში ბიზნესის დაწყება / გაფართოება; ე) იძულებით გადაადგილებულ პირთა - დევნილთა მიერ ბიზნესის დაწყება / გაფართოება;

ვ) შეზღუდული შესაძლებლობის მქონე პირთა მიერ ბიზნესის დაწყება / გაფართოება;

ზ) ახალგაზრდა (29 წლის ასაკის ჩათვლით) მენარმე სუბიექტის მიერ ბიზნესის წამოწყება / გაფართოება; თ) განთავსების საშუალებებისა და ტურისტულ სერვისებზე ორიენტირებული პროექტი / მაღალი ინკლუზიურობის მქონე სექტორებზე / ინტელექტუალურ სერვისზე ორიენტირებული პროექტები.

პროგრამის პირობების და განაცხადის შემოტანის შესახებ დეტალური ინფორმაცია შეგიძლიათ იხილოთ ბმულზე: <https://www.enterprisegeorgia.gov.ge/.../Busi.../microgrants>

საკონტაქტო ცხელი ხაზი- 1525.

ლევან მხეიძე

90 წლის ასაკში გარდაიცვალა მოქალაქე, მხატვარი და პედაგოგი ლევან მხეიძე. ლევან მხეიძე 1931 წელს ქუთაისში დაიბადა. 1956 წელს დაამთავრა თბილისის სამხატვრო აკადემია. 1963 წლიდან იყო თბილისის სამხატვრო აკადემიის პედაგოგი და შემდგომ აკადემიის პროფესორი.



ლევან მხეიძის ნამუშევრები საქართველოს სხვადასხვა ქალაქშია განთავსებული. მათ შორის, ქალაქ თერჯოლაში, მის მიერაა შექმნილი დავით კლდიაშვილის ძეგლი, ბარელიეფები და სკულპტურები მწერლის ნაწარმოებების პერსონაჟების მიხედვით, რომლებიც წლებია ამშვენებენ თერჯოლის მუნიციპალიტეტს.

ლევან მხეიძეს ეკუთვნის ნამუშევრები; „ზაქარია ფალიაშვილი“ (1971, ბრინჯაო, ქუთაისი); დიდების მონუმენტი „ვეფხვი და მოყმე“ (1975, ბაზალტი, ონი), „ილია ჭავჭავაძე“ (საფურამო) და სხვა.

ლევან მხეიძე იყო საქართველოს დამსახურებული მხატვარი.

ბოლო წლებში მოქალაქე გერმანიაში ცხოვრობდა. თერჯოლის მუნიციპალიტეტის მერია უსამძიმრებს გარდაცვლილის ოჯახს, ახლობლებსა და მეგობრებს.

თურქეთიდან იმპორტირებული პრეპარატები

თურქეთიდან იმპორტირებული პრეპარატების სია გაფართოვდა. 60-მდე დასახელების მედიკამენტის შექმნა საქართველოს მოსახლეობას უკვე 3 დიდ სააფთიაქო ქსელში შეუძლია.

იაფი მედიკამენტები „ფარმადეპო“-ს, „ავერსი“-ს და „PSP“-ს ქსელშია ხელმისაწვდომი.

გარდა ამისა, ხვალიდან მედიკამენტ ქსარელტოს შექმნა შესაძლებელი იქნება „GPC“-ს მთელ ქსელში. თურქეთიდან იმპორტირებული პრეპარატების ჩამონათვალი მონოდეტულია

სააფთიაქო ქსელშიც. საქართველოს მთავრობის გადაწყვეტილებით, თურქული ფარმაცევტული ბაზრის გახსნის შედეგად, პრეპარატების ფასი, საშუალოდ, 60-80%-ით შემცირდება.

მოსახლეობისთვის მედიკამენტებზე ხელმისაწვდომობის გაზრდა სახელმწიფოს პრიორიტეტია. ჯანდაცვის სამინისტროში, ამ მიმართულებით, მუშაობა აქტიურად მიმდინარეობს.

თურქეთიდან იმპორტირებული პრეპარატების ჩამონათვალი მონოდეტულია



ფარმაცევტული სექტორის მიერ და განახლებული კომპანიებისგან მიღებული ინფორმაციის შესაბამისად. აფთიაქების მისამართებს, სადაც მათი შეძენა არის შესაძლებელი გვეცხობით ამ ბმულზე: <https://www.moh.gov.ge/uploads/files/2022/21.03.22.pdf>

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

ნაგარევის წყალი და თუზი-თავასის გზა

აქტიურ ფაზაშია თერჯოლის მუნიციპალიტეტის, სოფელ ნაგარევის უწყვეტი წყალმომარაგების მაგისტრალის სამშენებლო სამუშაოები, რაც მუნიციპალიტეტის მერმა, ლაშა გოგიაშვილმა, მოადგილეებთან, მანუჩარ რობაქიძესთან და მირზა ქოჩიაშვილთან, ასევე ადგილობრივი თვითმმართველობის წარმომადგენლებთან ერთად დაათვალიერა.

ნაგარევი წყლის სისტემის მოწყობის სამუშაოებს ადგილობრივი ბიუჯეტის დაფინანსებით შპს „უნიმშენი“ ახორციელებს. პროექტის ფარგლებში სასმელ წყალს 80 ოჯახი მიიღებს.

იმავე დღესვე, ხელმძღვანელმა პირებმა, მუნიციპალიტეტში მიმდინარე ინფრასტრუქტურული სამუშაოების მონიტორინგის მიზნით, სოფელ თუზი-თავასის დამაკავშირებელი გზის სარეაბილიტაციო სამუშაოებიც მოინახულეს. პროექტის ფარგლებში იქ მოეწყობა რკინა-ბეტონის საფარი, 1 100 მ სანიღვრე არხები და ცხაურები.

სარეაბილიტაციო სამუშაოებს ტენდერში გამარჯვებული კომპანია შპს „ჯეო როუდ ინვესტი“ ახორციელებს. პროექტი მიმდინარე წელს დასრულდება.



სოციალურად დაუცველთა დასაქმების პროგრამა მოქმედებს

საქართველოს პრემიერ-მინისტრის, ირაკლი ლარიბაშვილის ინიციატივით, სოციალურად დაუცველთა სამუშაოებზე დასაქმების მასშტაბური პროგრამის ფარგლებში, თერჯოლის მუნიციპალიტეტში, გასულ კვირას უკვე დასაქმდა რადენიმე მოქალაქე, როგორც მუნიციპალიტეტის მერიიდან გვაცნობებს ეს პროცესი თანმიმდევრულად გაგრძელდება.

თერჯოლის მუნიციპალიტეტში სოციალურად დაუცველთა დასაქმების ამ პროგრამის ირგვლივ არაერთი ღონისძიება განხორციელდა. გაიმართა რაიონის ხელმძღვანელი პირების შეხვედრები ადმინისტრაციულ ერთეულებში მერის წარმომადგენლებთან, მუნიციპალიტეტში მცხოვრებ სოციალურად დაუცველ ოჯახებთან, ერთ-ერთ ასეთ შეხვედრას მუნიციპალიტეტის მერის მოადგილე, მირზა ქოჩიაშვილი, სოციალური მომსახურების სააგენტოს იმერეთის სამხარეო ცენტრის უფროსი, ნინო ჭილაძე და დასაქმების ხელშეწყობის სააგენტოს იმერეთის კოორდინატორი, ეკა ლეჟავა უძღვევებოდნენ.

კიდევ ერთხელ განვმარტავთ, რომ საზოგადოებრივ სამუშაოებზე დასაქმების ეს მასშტაბური პროგრამა სოციალური შემწეობის მიმღები, შრომისუნარიანი პირების დასაქმებას ისახავს მიზნად.

საზოგადოებრივი სამუშაოების ფარგლებში, დასაქმების ხელშეწყობის სახელმწიფო სააგენტოში, ამ ეტაპზე, ათასობით ვაკანსიაა, ახალი ვაკანსიების რეგისტრაცია კი მუდმივ რეჟიმში მიმდინარეობს.

საზოგადოებრივი სამუშაო ისეთ ვაკანტიურ ადგილებზე დასაქმებას გულისხმობს, რომლის შესრულებაც ნებისმიერი კვალიფიკაციის მქონე პირს შეუძლია. სამუშაოს მომწოდებლები კი სახელმწიფო უწყებები და ადგილობრივი თვითმმართველობები არიან.

ბენეფიციარებს დასაქმების პროგრამაში ჩასართავად, შეუძლიათ მიმართონ სოციალური მომსახურების ან დასაქმების ხელშეწყობის სახელმწიფო სააგენტოს სერვის ცენტრებს.

პროგრამის ბენეფიციარები შეიძლება იყვნენ 18 წლის და უფროსი ასაკის შრომისუნარიანი პირები, რომელთა ოჯახის სარეიტინგო ქულა არ აღემატება 120 000-ს და იღებენ მიზნობრივ სოციალურ დახმარებას.

დასაქმების პროგრამაში ჩართულ პირს, 4 წლის განმავლობაში, სოციალურად დაუცველის სტატუსი, მასთან მიბმული ფულადი და არაფულადი სიკეთეები გარანტირებულად შეუნარჩუნდებათ და აღნიშნული პერიოდის განმავლობაში არ მოხდება სოციალურ-ეკონომიკური სტატუსის გადამონმება.

საზოგადოებრივ სამუშაოებში ჩართული ბენეფიციარები, სოციალურ დახმარებასთან ერთად, დამატებით ფინანსურ სარგებელსაც მიიღებენ, რომელიც ნამუშევარი საათების მიხედვით ანგარიშდება და 300 ლარს შეადგენს. საზოგადოებრივი სამუშაოს შესრულებისთვის გაცემული თანხა წარმოადგენს სოციალურ გასაცემელს, რომელიც არ იბეგრება.

საზოგადოებრივ სამუშაოებში ჩართვის ნაცვლად, ბენეფიციარს, დასაქმება შრომის ბაზარზე არსებულ სხვა ვაკანსიებზეც შეუძლია. სოციალურად დაუცველი პირი, დასაქმების პროგრამაში იმ შემთხვევაშიც ჩაერთვება, თუ არაფორმალურადაა დასაქმებული. ზემოთ აღნიშნულ შემთხვევებში, სოციალური შემწეობის მიმღები პირის სტატუსი არ გადამონმდება.

თუ სოციალურად დაუცველ პირს დასაქმება არ სურს, მისი სოციალურ-ეკონომიკური მდგომარეობის სტატუსის განსაზღვრა ყოველწლიური გადამონმების შედეგების საფუძველზე მოხდება. თუმცა მიღებული გადამწეობის შეცვლა ნებისმიერ დროს შეეძლება.

პროგრამაში ჩართვის მსურველებს, დამატებითი ინფორმაციისთვის, სამინისტროს ცხელ ხაზზე - 15 05 დაკავშირება შეუძლიათ.

თერჯოლის მუნიციპალიტეტის საკრებულოში

თერჯოლის მუნიციპალიტეტის საკრებულოში გაიმართა რიგგარეშე სხდომა, რომელსაც წარმომადგენლობითი ორგანოს თავმჯდომარე, გიორგი ბარათაშვილი ხელმძღვანელობდა.

დებუტატებმა იმსჯელეს და მხარი დაუჭირეს დღის წესრიგით წარმოდგენილ სამ საკითხს: თერჯოლის მუნიციპალიტეტში „სოფლის მხარდაჭერის პროგრამის“ ფარგლებში განსახორციელებელი პროექტების ნუსხის დამტკიცებისა და თერჯოლის მუნიციპალიტეტის ბალანსზე რიცხული (საკუთრებაში არსებული) უძრავი ქონების სსიპ-სახელმწიფო ქონების ეროვნული სააგენტოსათვის საკუთრებაში უსასყიდლოდ გადაცემის შესახებ.

სხდომაზე ცნობად იქნა მიღებული ინფორმაცია გარდაცვალების გამო საკრებულოს გამოკლებული წევრის, ამბერკი დოლაკიძის ადგილმონაცვლის, ფრიდონ გვენეტაძისათვის საკრებულოს წევრის უფლებამოსილების ცნობის შესახებ.

სხდომას მუნიციპალიტეტის მერის მოადგილეები შესაბამისი სამსახურების წარმომადგენლებთან ერთად ესწრებოდნენ.



ბავშვთა დაცვისა და მხარდაჭერისათვის...

თერჯოლის მუნიციპალიტეტის მერიაში, ბავშვის დაცვისა და მხარდაჭერის განყოფილების ორგანიზებით გაიმართა შეხვედრა „კულტურულ-ჰუმანიტარულ ფონდ „სოხუმის“ წარმომადგენლებთან.

შეხვედრას მუნიციპალიტეტის მერი, ლაშა გოგიაშვილი დაესწრო, სადაც საუბარი შეეხებოდა ბავშვისა და ოჯახის მხარდაჭერას, ასევე ამ მიმართულებით ღონისძიებების დაგეგმვას და განხორციელებას. საზგასამთო ითქვა, რომ ბავშვის უფლებების დაცვისა და მხარდაჭერის სისტემა ეფუძნება საფრთხის პრევენციისა და ადრეული დახმარების პრინციპს.

ბავშვისა და ოჯახების გაძლიერების მიზნით, ფონდი „სოხუმის“ ინიციატივით, ასევე ბავშვთა დაცვისა და მხარდაჭერის განყოფილების ერთობლივი თანამშრომლობით, თერჯოლაში მცხოვრებ ერთ-ერთ ბენეფიციარს საჩუქრად სასურსათო კალათა და მო-

ბილური ტელეფონი გადაეცა. პროგრამის მთავარი გამოწვევა, ადამიანის უფლებების შესახებ ინფორმირება, ელექტრონული წიგნიერების ამაღლება და სერვისებთან წვდომაა.

თერჯოლის მუნიციპალიტეტის მერიის ბავშვის დაცვისა და მხარდაჭერის განყოფილება უზრუნველყოფს სახელმწიფო პროგრამების განსახორციელებლად შესაბამის დაწესებულებებთან კოორდინირებულ მუშაობას, ასევე არასამთავრობო და საერთაშორისო ორგანიზაციების მიერ ბავშვის უფლებების დაცვისა და მხარდაჭერის პროგრამების განხორციელების კოორდინაციას.

ბავშვის დაცვისა და მხარდაჭერის განყოფილება მოქმედებს საქართველოს ზოგადი ადმინისტრაციული კოდექსით გათვალისწინებული ბავშვზე მორგებული მართლმსაჯულების პრინციპების, ასევე პროცედურების დაცვით.

დასუფთავების მორიგი აქცია

1993 წლიდან გაერთიანებული ერების ორგანიზაციის გენერალური ასამბლეის გადაწყვეტილებით, ყოველ 22 მარტს, წყლის რესურსების დაცვის საერთაშორისო დღე აღინიშნება.

მნიშვნელოვანია წყლის რესურსების, როგორც სიფრთხილით, რაციონალურად და ეკონომიურად გამოყენება, ასევე მისი დაცვა დაბინძურებისგან. დასუფთავების აქცია ჯანსაღი გარემოს შექმნისათვის საზოგადოების აქტიურ ჩართულობას და ამ მიმართულებით მოსახლეობის ცნობიერების ამაღლებას ემსახურება.

აღსანიშნავია, რომ გარემოსდაცვით ღონისძიებებში თერჯოლის მუნიციპალიტეტის მერიასთან, საკრებულოსა და ა(ა)იპ-ების თანამშრომლებთან ერთად სისტემატურად მონაწილეობენ, საზოგადოების წარმომადგენლები, რომლებიც ცდილობენ, საკუთარი წვლილი შეიტანონ ჯანსაღი გარემო პირობების შექმნასა და შენარჩუნებაში.



ამჯერად, კორონავირუსული პანდემიის გათვალისწინებით, დასუფთავების აქცია სხვადასხვა ტერიტორიაზე მცირე ჯგუფების მონაწილეობით ჩატარდა.

პროექტი „დავიცვათ საქართველოს სისუფთავე“ მიმდინარეობს გარემოს დაცვისა და სოფლის მეურნეობის სამინისტროს მხარდაჭერით, განმახორციელებელი ორგანიზაციები არიან „საქართველოს მწვანეთა მოძრაობა / დედამინის მეგობრები-საქართველო“, „დავიცვათ საქართველოს სისუფთავე“ და ბუნების მკვლევართა კავშირი „ორქისი“.

აზიურ ფაროსანასთან ბრძოლა კვლავ დღის წესრიგშია

გასულ კვირას, თერჯოლის მუნიციპალიტეტის მერიაში, ადმინისტრაციულ ერთეულებში მერის წარმომადგენლების მონაწილეობით გაიმართა საინფორმაციო ხასიათის შეხვედრა.

შეხვედრას, მერის რეფერენტი, გიორგი რობაქიძე, აზიურ ფაროსანასთან ბრძოლის საკოორდინაციო მართვის ცენტრის ჯგუფის უფროსები დავით ფანჩულიძე და თამაზ აფხაზავა უძღვევებოდნენ.

სამუშაო შეხვედრაზე ისაუბრეს აზიურ ფაროსანასთან ბრძოლის საკითხებზე, ასევე უსაფრთხოების იმ ნორმებზე, რომელთა დაცვაც აუცილებელია მავნებელთა საწინააღმდეგო ღონისძიებების გატარების პერიოდში.

ამავე შეხვედრაზე განხილვის თემას ასევე წარმოადგინდა საქართველოს პრემიერ-მინისტრის, ირაკლი ლარიბაშვილის ინიციატივით, სოციალურად დაუცველთა სამუშაოებზე დასაქმების მასშტაბური პროგრამა.

ვნების კვირა

ვნების კვირა — დიდმარხვის ბოლო კვირა (18-23 აპრილი), აღდგომის წინა საღვთისმშობლის დღეები

ქრისტიანული ეკლესია მარხვით აღნიშნავს ქრისტეს ვნების (ტანჯვის) მოსაგონებლად იმ ცოდვების გამოსასყიდად, რომლებიც ადამიანს აქვს უფლის წინაშე. ეკლესია დაბეჯითებით ამტკიცებს ამ დღეებში მარხვის აუცილებლობას. ეს მარხვა ქმნის ნაღვლიან განწყობილებას და წუხილს იმ წამების გამო, რაც იესომ ჩვენი ცოდვების გამოსასყიდად გადაიტანა. ვნების კვირის ღირსახსოვარი დღეებია:

- დიდი ორშაბათი—როდესაც იესომ დაწყებულა უნაყოფო ლეღვი;
- დიდი სამშაბათი—როდესაც იესომ ტაძარში ახალი მოძღვრება იქადაგა;
- დიდი ოთხშაბათი—როდესაც მონაფეხმა იესოს სერობა მოუწყვეს;
- დიდი ოთხშაბათი—როდესაც იესომ თვითონ გაუმართა მოციქულებს სერობა, ამხილა იუდა და დაადგინა ზიარების საიდუმლო;
- დიდი პარასკევი—როდესაც იესო აწამეს და ჯვარს აცვეს;
- დიდი შაბათი—როდესაც იესო დაკრძალეს.

დიდი ორშაბათი

დიდ ორშაბათს ეკლესია იხსენებს უნაყოფო ლეღვის გახმობას. ეს ლეღვი იმ ოუდეველთა სახეა, რომელთა გულშიც იესო ქრისტემ ჭეშმარიტი ნაყოფი ვერ პოვა - იქ მხოლოდ კანონების მშრალი აღსრულება დახვდა, ამიტომაც ამხილა ისინი და დაეკრძალა. მაგრამ უნაყოფო ლეღვი ყველა იმ ქრისტიანის სულის სიმბოლოცაა, რომელიც სინანულის ნაყოფს არ იხსამს. ეკლესია დიდ ორშაბათს სწორედ სინანულის-კენ მოგვიწოდებს.

დიდი სამშაბათი

დიდი სამშაბათის მსახურებაზე ვიხსენებთ იგავს ათ ქალწულსა და ტალანტებზე და გრძობადას მათეს სახარების ორშაბათს დაწყებული საკითხავი იესო ქრისტეს მეორედ მოსვლის შესახებ. ამით წმინდა ეკლესია კიდევ ერთხელ და საგანგებოდ მოუწოდებს მონაშენებს სულიერი სიფიზიზის აღსრულების ბოძებულ ნიჭისა და ძალების მართებული გამოყენებისაკენ, განსაკუთრებით კი მონაშენებისაკენ, რასაც უფალი პირადად მის წინაშე ჩადენილ ღვაწლად გვითვლის, როცა გვეუბნება: „რაოდენი უყავი ერთსა ამას მცირეთაგანსა ძმთა ჩემთასა, იგი მე მიყავთ“ (მთ. 25,40).

დიდი ოთხშაბათი

ეს იუდას მიერ იესო ქრისტეს ვაცემის დღეა. ოთხშაბათი ღამე მაცხოვარმა ბეთანიამი გაატარა. აქ, სიმონ კეთროვნის სახლში, იმ დროს, როცა მღვდელმთავრებს, მნივნობრებსა და უხუცესებს იესო ქრისტეს მოტყუებით შეპყრობა და მოკვდინება ჰქონდათ გადაწყვეტილი, უცხო დედაკაცმა ძვირფასი ნელსაცხებელი ინახით მკვდომ მაცხოვარს უხვად დაასხა თავზე, რითაც, როგორც თავად მაცხოვარმა ბრძანა, იგი დასაფლავლად მოამზადა. აქვე, დედაკაცის უანგარო საქციელის საპირისპიროდ, იესო ქრისტეს თორმეტთაგან ერთერთი მონაფის, იუდა ისკარიოტელის უმადურ სულში ჩაისახა ბოროტი აზრი, თავისი მასწავლებელი და უფალი ოუდეველთა უკანონო საბჭოსთვის მიეცა. ამიტომ დიდი ოთხშაბათის საეკლესიო მსახურება განადიდებს იმ დედაკაცს, რომელმაც მაცხოვარს ნელსაცხებელი სცხო, იუდას ვერცხლისმოყვარეობასა და გამცემლობას კი კიცხავს და გამობს.

დიდი ხუთშაბათი

არავის აქვს იმაზე დიდი სიყვარული, ვინც სულს დადებს თავისი მეგობრებისათვის. მე აგირჩიეთ თქვენ, - უუბნებთ მონაფეხს, - და დაგადგინეთ, რათა წახვიდეთ და ნაყოფი გამოიღოთ. აჰა, მოდის დრო, ცოტაც და ვეღარ

მიხილავთ მე. თქვენ მწუხარენი ხართ ახლა, მაგრამ კვლავ მიხილავთ და გაიხარებთ თქვენი გული და ვეღარავინ ნაგართმევთ სიხარულს თქვენსას. გამხნევდით, მე ვძლიე ქვეყანას, - თქვე უფალმა და გაემართა გეთისიმონის ბალისაკენ ზეციური მამის წინაშე სალოცავად, რათა შეავდროს ძეობა თვისი, საყვარელი მონაფენი და ცოდვით დამძიმებული კაცობრიობა (იოანე 15,9-17; 16,16-33).

დიდი პარასკევი

დიდი პარასკევი იესო ქრისტეს ჯვარცმის დღეა. პრეტორიუმის წინ, რომელიც პროკურატორის სასახლესთან შეკრებილი ხალხი იესოს ჯვარცმას ითხოვდა. სიკვდილამდე წამები ქრისტე, რომელსაც თავზე ეკლის გვირგვინი დაადგეს, პილატეს შორიხლოს იდგა და განკითხვას ელოდა...

უძილო, მოუსვენარმა ღამეებმა გაამძაფრა მისი მწუხარება, შოლტით დასერილი ზურგი მძიმე ჯვარს ელოდა... იდგა მშვიდი და უმანკო. უკიდურესი დამცირება და შეურაცხყოფა ჯვარცმით უნდა აღსრულებულიყო. ჯვარცმის მხად იყო, მაგრამ თითქოს რაღაც სხვას ელოდნენ.

გაუთავებელმა დაკითხვამ, ცემამ, ფურთხებამ და აბუჩად ავდებამ სასიცოცხლო ძალები თანდათან დაუშრიტა.

პილატემ არ იცოდა, რა ექნა. დანაშაულიც ვერაფერი ნაუყენა, მაგრამ გამოსავალი იპოვა: ებრაული ტრადიციით, ხალხს ორი მსჯავრდადებულიდან ერთერთი უნდა გაეთავისუფლებინა.

ავაზაკ ბარაბასა და ქრისტეს შორის ხალხს არჩევანი უნდა გაეკეთებინა. ხალხი ყვიროდა - ბარაბა, ბარაბაო. იესოს რა უყოთო, - კითხულობდა პილატე. ხალხი, რომელიც სულ რაღაც ექვსი დღის წინ იერუსალიმში შემავალ უფალს პალმის რტოებითა და „ოსანას“ შეძახილებით შეხვდა, გაიძახოდა, - ჯვარს აცვი, ჯვარს აცვი ევაო...

პასექის პარასკევის მეექვსე საათი იყო. პილატემ ხელები დაიბანა და სამსჯავრო სკამზე დაჯდა - „აჟა, თქვენი მეუფე, მე ბრალი არა მაქვს მაგ მართლის სისხლში“ (ლუკა 23,4), თქვენ იკითხეთო. გაბოროტებული ხალხი გაიძახოდა, - ჩვენზე და ჩვენს შვილებზე იყოს მაგისი სისხლი (მათე 27,25).

პრეტორიუმშიდან გოლგოთამდე პალესტინის თაკარა მზით გახურებულ გრძელ გზაზე აუტანელი ტკივილებით გათანგული მიაბიჯებდა სამყაროს მეუფე. მხარზე მძიმე ჯვარი ედო, უმარავი ხალხი მიჰყვებოდა...

უნდა მომკვდარიყო ტანჯვით. ნუთუ სიკვდილის ღირსი რაიმე ქმნა? რის გამო შეისხა ხორცი დიდებით შემოსილმა? ღმერთი იყო და რატომ გახდა ადამიანი?

რა აიძულებდა ღმერთს, ხორცი შეესხა, სახვევებში შეხვეულიყო, ბაგაში დედის რძით გამოკვებოლიყო, სიკეთის ნაცვლად ბოროტება მოემკო, სიხარულის ნაცვლად - მწუხარება, ცხოვრების ნაცვლად - სიკვდილი, ჯვარზე გაკრული საფლავში დადებულიყო? რა აუცილებლობამ აიძულა ის? ცხადია, ადამიანის სიყვარულის გამო ითმენდა ყველაფერს.

ამ ადამიანებმა კი მისი წმინდა და უმანკო სხეული ორ ავაზაკს შორის ჯვარზე გააკრეს, ლურსმნით ხელ-ფეხი გაუხვრიტეს, წყურვილით გატანჯულს ძმარი და ნაღველი შეასვეს. მისი წმინდა სამოსი ურთიერთშორის გაიყვეს და დასცინეს: - ტაძრის სამ დღეში აღმშენებელი, გამოიხსენ თავი შენი...

დღის თორმეტ საათზე სიბნელემ მოიცვა ქვეყანა. მწუხარებით აღსავსე იესო კი ზეციურ მეუფეს ევედრებოდა: „მამაო, მიუტევე ამით, რამეთუ არა იციან, რასა იქმან!“ მარჯვენით ჯვარცმულმა ავაზაკმა დაინახა ეს უსამართლობა, შეინანა და უდანაშაულოდ დასჯილს სასუფეველში მოხსენება სთხოვა. ამ დროს დედა ღვთისმშობელიც ჯვარცმულის ფერხითი იდგა, მზილოდმოხილი ძის ტანჯვით გამოწვეული უძძიმესი ტკივილი მახვილივით უსერავდა გულს.

იესომ ჯვრიდან დაინახა მტირალი დედა, შეებრაღა და საყვარელ მონაფეს, იოანეს, ჩააბარა: „დედაო, აჰა შენი ძე!“ ხოლო იოანეს უთხრა: „აჰა დედა შენი!“ (იოანე 19,26).

მექვსე საათიდან მეცხრე საათამდე წყვდიადმა მოიცვა არემარე. მეცხრე საათზე მაცხოვარმა ხმამალა წარმოთქვა: „მამაო, ხელთა შენთა შევედრებ სულსა ჩემსა“ (ლუკა 23,46) და სული განუტევა. დაბნელდა მზე, მიწა შეიძრა და საფლავები გაიხსნა, იერუსალიმის ტაძრის კრეტსამელი შუაზე გაიპო. სამყარომ შეიცხადა კაცობრიობის უკიდურესი სისასტიკე. წინასწარმეტყველება აღსრულდა.

აღსრულდა ნება ღვთისა, მოვიდა სოფლად მხსნელი, რომელსაც სულიერ სიბნელებში მყოფი,



ღმერთს დაშორებული და ჭეშმარიტ ბედნიერებას მოკლებული კაცობრიობა ეშმაკის მონობისაგან უნდა გაეთავისუფლებინა, აღდგინა შეწყვეტილი კავშირი ღმერთთან და დაებრუნებინა მისთვის დაკარგული ნეტარება.

დიდი პარასკევის ღვთისმსახურება იესო ქრისტეს ჯვარცმას, ჯვრიდან გარდამოსხნასა და დასაფლავებას იხსენებს. ნირვა არ აღესრულება, რადგან ამ დღეს ცოდვებისაგან ჩვენს გამოსახსნელად უფალმა საკუთარი თავი შესწირა მსხვერპლად. სრულდება სამეუფო ჟამი, რომლის დროსაც კვლავ იკითხება სახარება მისი ვნების შესახებ.

დიდი პარასკევის სერობა მაცხოვრის ჯვრიდან გარდამოსხნასა და დასაფლავებას ეძღვნება და, ჩვეულებრივ, შუალამისას, ორ საათზე აღევლინება, რადგან სწორედ ამ დროს მიიწვალა ჯვარზე იესო ქრისტე. მსახურების დაწყებამდე ტაძრის შუაგულში მზადდება ამაღლებული, ყველგან მორთული სადგამი - „საფლავი“, საკურთხეველში კი, წმინდა ტრაპეზზე, დააბრძანებენ გარდამოსხნას, საგანგებოდ მოხატულ დიდ ქსოვილს, რომელზეც საფლავში მაცხოვარი ამოქარავლი.

საგალობლები, რომლებიც ამ დროს ივალობება, იესო ქრისტეს ვნებასა და ჯვარცმას ასახავს. სემიონ ღვთისმომრჩეველის ლოცვის გალობისას შავ, სამგლოვიარო სამოსში გამოწყობილი მღვდელმსახური აკმეებს გარდამოსხნას, რომელიც ჯერ კიდევ საკურთხეველშია, რომელიც ჯერ კიდევ საკურთხეველშია დასვენებული, „მამაო ჩვენოს“ გალობის შემდეგ კი ტროპარის, „მშვენიერმა იოსებ ძელი-საგან გარდამოსხნა უხრწნელი გვამი შენი“, გალობით მღვდელმსახურები წმინდა ტრაპეზიდან, როგორც გოლგოთიდან, აიღებენ გარდამოსხნას, თავს ზემოთ ასწვენენ, საკურთხეველიდან გამოსვენებენ, ტაძარში შემოატარებენ. ამის შემდეგ სამღვდელთა და მლოცველები დიდ მეტანიას ასრულებენ გარდამოსხნის წინაშე და ეამბორებიან მას. გარდამოსხნა ტაძრის შუა-

გულში არასრული სამი დღის განმავლობაში რჩება - მაცხოვარი ხომ აღდგომამდე სამი დღე იყო საფლავში.

დიდი პარასკევი მთელი წლის განმავლობაში ყველაზე მძიმე მარხვის დღეა, როცა მოძღვრის კურთხევით მორწმუნეთაგან ზოგი მთელი დღის განმავლობაში არაფერს ჭამს, ზოგი კი პურისა და წყლის გარდა არაფერს იხმევს.

დიდი შაბათი

დიდი შაბათის ღვთისმსახურება იესო ქრისტეს ხორციით საფლავში, სულით კი ჯოჯოხეთში ჩასვლას და, ბოლოს, მაცხოვრის მკვდრეთით აღდგომას ეძღვნება.

ნირვის დამთავრების შემდგომ აკურთხებენ ღვინოსა და პურს მლოცველთა საწუგემოდ და განსამტკიცებლად. ამას „მოციქულთა საქმეების“ კითხვა მოსდევს, რაც შუალამიანის ლოცვამდე გრძელდება.

ღამის თორმეტ საათამდე აღესრულება შუალამიანი, რომლის დროსაც იკითხება დიდი შაბათის კანონი, მის დასასრულს კი სამღვდელთა ტაძრის შუაგულიდან აღსავლის კართი უხმოდ გადაასვენებს გარდამოსხნას საკურთხეველში, წმინდა ტრაპეზზე, სადაც ის უფლის ამაღლების დღესასწაულამდე რჩება, ნიშნად იმისა, რომ იესო ქრისტემ მკვდრეთით აღდგომის შემდეგ ორმოცი დღე დაჰყო ამ ქვეყნად.

ამის შემდეგ მორწმუნენი სასოებით ელიან შუალამის დადგომას, როდესაც ჩვენი უფლის, იესო ქრისტეს, ბრწყინვალე აღდგომის უდიდესი დღესასწაული იწყება. აღდგომის სიხარული უდიდესი სიხარულია, რომლის მსგავსიც დედამიწის ზურგზე არც არის და არც შეიძლება იყოს. ეს არის უსასრულო სიხარული მარადიული სიცოცხლისა და ნეტარებისა. ეს ის სიხარულია, რომელზეც თვით უფალმა თქვა: „უხაროდეს გულთა თქვენთა და სიხარული თქვენი არავინ მიგიღოს თქვენგან“ (იოანე 16,12).



„სოფლის მხარდაჭერის პროგრამა“ – 2022

მას შემდეგ, რაც მუნიციპალიტეტის ადმინისტრაციულ ტერიტორიულ ერთეულებში დასრულდა მოსახლეობის საერთო კრებები და შეხვედრა-კონსულტაციები, მუნიციპალიტეტის მერია მოსახლეობის მიერ, მათი სოფლებისათვის გამოყოფილი ასიგნების ფარგლებში შერჩეული საპროექტო წინადადებების გათვალისწინებით, მუნიციპალიტეტის საკრებულოში წარადგინა „სოფლის მხარდაჭერის პროგრამის“ ფარგლებში განსახორციელებელი სამუშაოების განკარგულების პროექტი, რომელიც დაამტკიცა საკრებულოს 18 მარტის რიგგარეშე სხდომაზე.

ამჟერად, თერჯოლის მუნიციპალიტეტის მერია მუშაობს ამ პროგრამის

განხორციელების მეორე ეტაპზე, რაც ითვალისწინებს სამუშაოების შემსრულებელთა გამოსავლენად ტენდერების ჩატარებას და ამ პროცესის წარმართვისათვის მთელ რიგ სხვა ორგანიზაციულ-ტექნიკური სახის ღონისძიებების გატარებას.

სავარაუდოდ, მეორე ეტაპის ყველა ეს სამუშაო აპრილ-მაისში შესრულდება და ივნისიდან მუნიციპალიტეტის სოფლებში აქტიურად დაიწყება მოსახლეობის მიერ შერჩეული პროექტების განხორციელება.

აქვე გთავაზობთ მუნიციპალიტეტში შესასრულებელი ამ პროექტების ნუსხას სოფლების მიხედვით.



2022 წელს თერჯოლის მუნიციპალიტეტში სოფლის მხარდაჭერის პროგრამის ფარგლებში განსახორციელებელი პროექტების ნუსხა

ქვირის ადმინისტრაციული ერთეული
ქვერი—საუბნო გზაზე ბეტონის საფარის მოწყობა 16 000 ლარი

ოქონა—საუბნო გზაზე ბეტონის საფარის მოწყობა 16 000 ლარი

სეფარეთი—საუბნო გზებზე ინერტული მასალის შეტანა და გაშლა 10 000 ლარი

ჩხარის ადმინისტრაციული ერთეული
ჩხარი—საბავშვო ბაღის შენობის ფასადის მოპირკეთება 16 000 ლარი

ჩხარი-ოქტომბერი—ამირანაშვილების უბანში ბეტონის გზის მოწყობა 10 000 ლარი; სხვადასხვა უბნებში გარე განათების მოწყობა 2 000 ლარი; აბულაძეების უბანში სასმელი წყლის ჭის რეაბილიტაცია 4 000 ლარი

გოგნის ადმინისტრაციული ერთეული
გოგნი—მინი სტადიონის მოწყობა 16 000 ლარი

თუზის ადმინისტრაციული ერთეული
თუზი—გარე განათების მოწყობა ცენტრალურ გზაზე 11 300 ლარი; საბავშვო ბაღის ეზოს კეთილმოწყობა 4 000 ლარი; საუბნო გზებზე ინერტული მასალის შეტანა და გაშლა 4 700 ლარი

კაკაბოური—საუბნო გზაზე ბეტონის საფარის მოწყობა 10 000 ლარი

თავასა—ცინაძეების უბანში ბეტონის საფარის მოწყობა 12 000 ლარი

ჯგვილათი—საუბნო გზებზე ინერტული მასალის შეტანა და გაშლა 10 000 ლარი

ვარდიგორა—წყლის სისტემის მოწყობისთვის მასალების შექმნა 16 000 ლარი

საზანოს ადმინისტრაციული ერთეული
საზანო—გარე განათების მოწყობა ცენტრალურ გზაზე 20 000 ლარი

დელტასუბანი—წყლის ტუმბოს შექმნა 4 000 ლარი; პოლიეთილენის წყლის მილის შექმნა 5 000 ლარი; წყლის რეზერვუარის შექმნა 5 000 ლარი; ბეტონის ბლოკისა და ცემენტის შექმნა 2 000 ლარი

შიშვილაქელი—გარე განათების მოწყობა 10 000 ლარი

ჩიხორი—მგზავრთა მოსაცდელის მოწყობა 5 000 ლარი; შახტური ჭის მოწყობა 3 000 ლარი; ინერტული მასალის შეტანა და გაშლა 4 000 ლარი

მუჯირეთი—წყაროს რეაბილიტაცია 7000 ლარი; სანიტარული არხების ცხაურების და ბოგირების მოწყობა 3 000 ლარი

სკანდე—გარე განათების მოწყობა 16 000 ლარი

ალისუბნის ადმინისტრაციული ერთეული
ქვედა ალისუბანი—მინი სტადიონის მოწყობა 20 000 ლარი

ზედა ალისუბანი—ხუჯაძეების და ბუცხრიკიძეების უბანში ცხაურის მოწყობა 6000 ლარი; გარე განათების მოწყობა 11 000 ლარი

ზარნაძეები—მინი სტადიონის მოწყობა ქვედა ალი-

სუბნის ცენტრში 12 000 ლარი

თხილთაწყარო—მინი სტადიონის მოწყობა ქვედა ალისუბნის ცენტრში 10 000 ლარი

მაჩიტაური—მინი სტადიონის მოწყობა ქვედა ალისუბნის ცენტრში 10 000 ლარი

რუფოთის ადმინისტრაციული ერთეული
რუფოთი—გარე განათების მოწყობა ცენტრალურ გზაზე 20 000 ლარი

ტელეფა—სასაფლაოს შემოღობვა 16 000 ლარი

ღვანკითის ადმინისტრაციული ერთეული
ღვანკითი—სხვადასხვა უბნებში სანიტარულ არხების ცხაურების და ბოგირების მოწყობა 15 450 ლარი; დედოფლისის მიმდებარე არსებული სასაფლაოს შემოღობვა 4 550 ლარი

ბარდუბნის ადმინისტრაციული ერთეული
ბარდუბანი—ბარდუბნის №1 და №2 საბავშვო ბაღების ოთახების სარემონტო სამუშაოები 3 000 ლარი; გარე განათების მოწყობა სხვადასხვა უბანში 17 000 ლარი

სათემო—გარე განათების მოწყობა ჭუმბურიძეების უბანში 12 000 ლარი

ენერის ადმინისტრაციული ერთეული
ენერი—სოფელ ენერის ცენტრალურ გზაზე გარე განათების მოწყობა 9 200 ლარი; სოფლის ცენტრალურ გზაზე სასაფლაოს მიმდებარე ბოგირის მოწყობა 800 ლარი; სოფლის საუბნო გზაზე ინერტული მასალის შეტანა და გაშლა 10 000 ლარი

ახალი უბანი—აჯამეთში სახნავ-სათესი ფართობების შემოსაღობად ეკლიანი მასალის შექმნა და მიწოდება 12 000 ლარი

სიქთარავის ადმინისტრაციული ერთეული
სიქთარავა—ცენტრალური გზის გასწვრივ გრუნტის სანიტარულ არხის მოწყობა 3 000 ლარი; საბავშვო ბაღის ეზოსათვის ჭიშკრის მოწყობა 2 000 ლარი; ცენტრალური გზის მიმდებარე ბოგირების მოწყობა 1 500 ლარი; სოფლის ცენტრში მგზავრთა მოსაცდელის მოწყობა 3 000 ლარი; გარე განათების მოწყობა ამბულატორიიდან კახიძე-მემანიშვილების მიმართულებით 10 500 ლარი;

ჩხარი ენერი—ფანქულიძეების უბანში სტადიონის მოწყობა 6 000 ლარი; ისაკაძეები-გოგბერაშვილების უბანში გრუნტის სანიტარულ მოწყობა 1 000 ლარი; ბეტონის სანიტარულ არხის მოწყობა ცენტრალურ გზაზე არსებული რკინა-ბეტონის არხებით 1 000 ლარი; გარე განათების მოწყობა ტოფაძეების, ყაზაიშვილების და ჩაფიძეების უბნებში 8 000 ლარი

ახალთერჯოლის ადმინისტრაციული ერთეული
ახალთერჯოლა—სოფ. ახალთერჯოლის ცენტრში მინი სტადიონის მოწყობა (დასრულება) 14 000 ლარი; ახალთერჯოლის საბავშვო ბაღში ატრაქციონის მოწყობა 6 000 ლარი

ბოსელა—სოფ. ახალთერჯოლის ცენტრში მინი სტადიონის მოწყობა (დასრულება) 10 000 ლარი

კვასჭირის ადმინისტრაციული ერთეული
კვასჭირი—კუზმენკოების უბანში ცხაურისა და სანიტარულ არხის მოწყობა 5 000 ლარი; ვაჟა აბულაძის სახლის მიმდებარე გარე განათების მოწყობა 1 000 ლარი; სკოლის ეზოში სტადიონის მოწყობა 10 000 ლარი

ოდილაური—გვენცაძეების უბანში სტადიონის მოწყობა 16 000 ლარი

სარბევი—გარე განათების მოწყობა სხვადასხვა უბანში 16 000 ლარი

გოდოგანის ადმინისტრაციული ერთეული
გოდოგანი—სოფლის ცენტრში გმირთა მემორიალის რესტავრაცია 3 000 ლარი; ლევიძე-ბრეგვაძეების უბანში ცხაურის მოწყობა 1 800 ლარი; გაბრიჭიძეების უბანში სტადიონის მოწყობა არსებული მასალით 4 700 ლარი; ცირეკიძეების უბანში სტადიონის მოსაწყობად მასალების შექმნა 6 000 ლარი; შანიძეების, ამბროლაძეების და პერანიძეების უბანში გარე განათების კაბელის შექმნა 2 500 ლარი; ჭიჭინაძეების უბანში წყლის სისტემის მოწყობისათვის მასალების შექმნა 2 000 ლარი

ნავარევი—ხუციშვილების უბანში ხიდ ბოგირების აღდგენა მოწყობა 6 000 ლარი; ზაქარაშვილების უბანში ბეტონის გზის მოწყობა 6 000 ლარი

ბროლისქედი—შველიძეების უბანში სტადიონის მოწყობისათვის მასალების შექმნა 12 000 ლარი.

ჭალასთავი—ბეტონის გზის მოწყობა ხუჯაძეების უბანში 10 000 ლარი

ჭოგნარის ადმინისტრაციული ერთეული
ჭოგნარი—გარე განათების მოწყობა სათემოსა და სვინტრაძეების უბანში 20 000 ლარი

ნახშირღელის ადმინისტრაციული ერთეული
ნახშირღელე—სოფლის ცენტრში სავარჯიშო ტრენაჟორების მოწყობა 20 000 ლარი

ნავუნახევი—სასმელი წყლის სათავე ნაგებობის რეაბილიტაცია 12 000 ლარი

ქვედა სიმონეთის ადმინისტრაციული ერთეული
ქვედა სიმონეთი—ცხაურების, სანიტარულ არხებისა და ბოგირების მოწყობა სხვადასხვა უბნებში 11 600 ლარი; მგზავრთა მოსაცდელის მოწყობა სოფლის ცენტრში 5 500 ლარი; მგზავრთა მოსაცდელის დასრულება კლდიაშვილების უბანში 1 500 ლარი; ამბულატორიაში სარემონტო სამუშაოები 1 400 ლარი

ზედა სიმონეთის ადმინისტრაციული ერთეული
ზედა სიმონეთი—სხვადასხვა უბნებში სანიტარულ არხების და ცხაურების მოწყობა 4 800 ლარი; გარე განათების მოწყობა 6 000 ლარი; საუბნო გზებზე ინერტული მასალის შეტანა და გაშლა 9 200 ლარი.




ჩვენი სოლიდარობა უკრაინას!

ომი მშვიდობიან მოქალაქეებს, მათ სიცოცხლეს, იმედებს იწირავს. ილუპებიან ბავშვები, მოხუცები, ქალები, ჯარისკაცები... დაობლებული და უსახლკაროდ დარჩენილი პატარების სახეზე შიში და გულისშემძვრელი ტკივილი ისახება. ეს კაცობრიობის წინაშე მიმართული უდიდესი დანაშაულია.

ჩვენი სოლიდარობა ვუცხადებთ უკრაინელ ხალხს ომის ამ უმძიმეს რეალობაში და ჩვენს მორალურ მხარდაჭერას ვუცხადებთ მათ.

აია თორთლაძე, სკოლამდელი აღზრდის გაერთიანების ხელმძღვანელი

პატარების თვალთ დანახული ომი



აკაკი ქოჩიაშვილი, ქ. თერჯოლის მე-2 საჯარო სკოლის VI კლასი

ნიკა ქურცაძე, ქ. თერჯოლის მე-2 საჯარო სკოლის VI კლასი

ცისარტყელას ისევ დაუბრუნდება ფერები

ბაღი ყვავილებს, სურნელოვანსა და ლამაზს გვახსენებს, უდავოდ, კიდევ მსხმოიარე ხეხილს-ლამაზსა და გემრიელს, მომავალში კიდევ უფრო რომ იყვავილებს, დაიხუნძლება. ჩვენი აღსაზრდელები სრული უფლებებით სარგებლობენ გონივრულ გარემოში, კულტურულად გაიზარდონ სიყვარულსა და სიხარულში, მოემზადონ უფრო სერიოზული ეტაპისთვის-წინ სკოლა, სერიოზული და დიდი ცხოვრება. შემზარავია ომის კადრები: პატარა, ჭრელქურთუკიანი ბიჭუნა, შარავზა-

ზე რომ მიდის და ტირის. მას უნდა დაუბრუნონ დედა, სახლი, მზე, სამშობლო, ბავშვობა, მეტს არაფერს ითხოვს... ბოლომდე არც და ვერც გააცნობიერებენ ჩვენი პატარები არსებულს, მომხდარს, მაგრამ მათ არსებაში უნდა გაჩნდეს სიბრალულის რაციონალური მარცვალი, ნაყოფის გამომღები სამომავლო... ამიტომაც იმ პატარა ხელებით დნებრისპირა თანატოლებს უშურველად უგროვებენ ტანსაცმელს, საკვებს, სასუნავსა და თავიანთ საყვარელ სათამაშოებსაც კი იმეტებენ... სანთელ-საკმეველი თავის გზას არ დაკარგავს, ცისარტყელას ისევ დაუბრუნდება შვიდივე ფერი, მზე შინა და მზე გარეთ-მზე ისევ დაუბრუნდება თავის საუფლო უკრაინის თვალუნვდენელ სტეპებს, საფე პურის ყანებს, ცას თეთრი ქათქათა მტრედები დაფარავენ და აქაური დედა ისევ იმღერებს შვილის აკვანთან ტკბილ, თბილ უკრაინულ ნანას... ჩვენი და თქვენი უფალი იყოს საქრისტიანოს, კაცობრიობის შემენ და მფარველი, ამინ!!!

ეთიერ ყუფარაძე, კვახჭირის საბავშვო ბაღის დირექტორი



ძლიერები იყავით, უკრაინელო დედებო!

დღემდე მოუშუშებელი იარებით ვცოცხლობ. ძნელი აღმოჩნდა ჩემთვის და ჩემი ოჯახისათვის 2008 წლის აგვისტოში, რუსეთ-საქართველოს ომში, ჩემი შვილის შმაგი სოფრომადის სიკვდილი. თვითმხილველმა თქვა, რომ აყურებინეს საკუთარი საფლავის გაჭრა და დახვრიტეს. დახვრიტეს იმიტომ, რომ ბრძანება არ შეუსრულებია—ფეხით არ შემდგარა ქართულ ეროვნულ დროშაზე.

მიმძიმს ცხოვრება. მაგრამ სიამაყის გრძობაც მეუფლება, რადგან გმირობაა შმაგის საქციელი, მას უყვარდა ძვერი, თერჯოლა, საქართველო. სამაგიერო მიღებული აქვს, ძვერის სკოლა, სკვერი სოფლის ცენტრში მისი სახელობისაა, საფლავი მუხათავგერდში. რუსეთ-უკრაინის ომმა განმიახლა ტკივილი, ძნელია მოუხსნინო, როგორ ილუპებიან ადამიანები, უყურო, როგორ ინგრევა ქალაქები, როგორ ხდებიან ადამიანები ლტოლვილები. თითოეული დღეა მივმართავ უკრაინელ დედებს-ძლიერები იყვენ, სამშობლოსათვის დაღუპული ადამიანი დაღუპული არ არის. დადგება დრო, რომ უკრაინელ დედებს ექნებათ შვილების საფლავები, აღიარებულები იქნებიან, როგორც სამშობლოსათვის თავდადებულები, უკვდავი იქნება თითოეული უკრაინელი, ვინც შეენირა სამშობლოს დაცვას, დარჩენილებს, რომლებიც ბევრნი, ძალიან ბევრნი იქნებიან, ღირსეული პატივი მიეგებათ.

ძლიერები იყავით უკრაინელო დედებო, შვილებო, მეუღლეებო, თქვენ გაიმარჯვებთ, სამართლიანია თქვენი მხრიდან ეს ომი.

ქათო გოგიაშვილი-სოფრომაძე, სოფელი ძვერი, შმაგი სოფრომადის დედა

გაზაფხულმა მოსვლა ვერ გაბედა

„ომი ბარბაროსობაა, როდესაც მშვიდობიან მეზობელს თავს დაესხმებიან, მაგრამ ეს წმინდა მოვალეობაა, როდესაც სამშობლოს იცავ“—ამბობს გი დე მოპასანი. რა უნდა რუსეთს მშვიდობიანი ხალხისგან? რისი მიღწევა სურს? ყველას უნდა ეს კითხვა. ოკუპანტი რუსეთი თავისუფალ სახელმწიფოს, უკრაინას, თავს დაესხა.

ერთ მშვენიერ დილას, 2022 წლის 24 თებერვალს, როცა ბავშვები სკოლაში მიდიოდნენ, მშობლები - სამსახურში, ომის მომასწავებელი სირენები ჩაირთო მთელ უკრაინაში. იმ დღიდან იზომებდა ქვეყანა, არაერთი უდანაშაულო ადამიანი: ბავშვები, რომლებიც მტრის პირველი სამიზნეა, სამშობლიარო სახლები, ეკლესიები. ომსაც აქვს თავისი კანონები და წესები. პურის რიგში ჩამდგარ მშვიერ ადამიანებს, ონკოლოგიურ საავადმყოფოებს და სამშობლიაროებს რომ დაბომბავს, ეს ხომ ლაჩრული საქციელია. ამას არანაირი გამართლება არ აქვს! თვით გაზაფხულმაც კი უარი თქვა მოსვლაზე, ატამს და ტყემალს ყვავილი როგორ უნდა გაეშალოს?! გაზაფხული ხომ ახალი სიცოცხლის, ბედნიერების და სიხარულის სიმბოლოა და როცა ამდენი ბავშვი უმონყალოდ ილუპება, ამდენი სიცოცხლე და ბედნიერება ჭკნება, გაზაფხულსაც შერცხვა და მოსვლა ვერ გაბედა. „მშვიდობიანობისას შვილები მშობლებს მარხავენ, ომში კი მშობლები - შვილებს“ (ჰეროდოტე). ბომბები ცვივა ბაღებში, სკოლებში, ეკლესიებში, უდანაშაულო ადამიანები იხოცებიან და ამას ვინც აკეთებს არ შეიძლება ეწოდოს სახელმწიფო, არ შეიძლება ეწოდოს ქრისტიანი და უბრალოდ არ შეიძლება ეწოდოს ადამიანი, რომელსაც გული არ აქვს და არანაირი შეცოდება არ შეუძლია. როდესაც დედას შვილი უკვდება, მაშინ მისი ოცნებაა, რომ იქვე ბომბი დაეცეს თავზე და განადგურდეს. მას უდანაშაულოდ მოკლული შვილის გვერდით სურს ყოფნა. ვფიქრობ და ვერ გამიგია, როცა გსურს ქვეყანა ხელში ჩაიგდოს, რა ხელს უნდა გიშლიდეს მოხუცები, ბავშვები, ორსული ქალები. ისინი ხომ იარაღს არ გიმიზნებენ. ვაჟაკი უიარაღოს არ მოკლავს.

ამ ომიდან ყველაზე წაგებული ის ბავშვები რჩებიან, რომლებიც უმონყალოდ იხოცებიან, მშობლები, რომლებსაც ბავშვები ხელში უკვდებათ.

ნიკოლოზ ზუცხრიძე, ალისუბნის თემის N2 საჯარო სკოლის მე-10 კლასის მოსწავლე

მალე დაისადგურებს მშვიდობა

ჩემმა თაობამ ომი მხოლოდ ფილმებითა და ისტორიული მასალებით ვიცოდით. ვერაფრით წარმოვიდგენდი, რომ ეს სამხედრო მთელი სისასტიკით დაატყდებოდა თავს ჩვენს მეგობარ უკრაინას.

ომი რომ სისხლისღვრა, ნგრევა და განადგურებაა, კი მესმის, მაგრამ წარმოვიდგენელია ის სისასტიკე, რომელსაც რუსეთის სამხედროები ჩაღიან—სამშობლიარო სახლებისა და საავადმყოფოების დაბომბვა. პურის რიგში მდგომი მოსახლეობის დახვრეტა, ლტოლვილად ქცეული მშვიდობიანი ადამიანებისათვის ცეცხლის გახსნა. რომელი ერთი ჩამოვფალო?! წარმოვიდგენაც არ მინდა, თუ როგორ არიან ახლა უკრაინაში ჩემი თანატოლები, რომლებიც წესით ლაღად და ბედნიერად უნდა ცხოვრობდნენ თავისუფალ ქვეყანაში, მაგრამ რეალობა ახლა ძალიან სასტიკია: ის ცრემლთან, შიმშილთან და ტკივილთანაა გაიგივებული.

ყოველი ადამიანის სიცოცხლე შეუფასებელია, ძვირფასია, ამიტომ, ჩემი აზრით, მოქალაქეების ეს უფლება არავითარ შემთხვევაში არ უნდა ირღვეოდეს. მე მჯერა, რომ გამარჯვების მიღწევა შესაძლებელია, ბოროტებას ვერ ექნება „ბოლო კეთილი“ და ეს მხოლოდ სულის სიმტკიცითა და ხალხის ერთიანობითაა შესაძლებელი. დიდი იმედი მაქვს, რომ მალე დასრულდება ეს ომი, რისთვისაც მთელი ცივილური სამყარო გაერთიანდა და მალე სიმშვიდე დაისადგურებს მსოფლიოში.

ანანო ცხადაძე, კერძო სკოლა „მზეკაბანის“ XI კლასის მოსწავლე

ოჯახი

ქართულ-უკრაინული ტრადიციებით

...ალეგებს დედის, ვალენტინა კრიჟანოვსკაიას ნათესავეების ბედი, მათთან ყოველთვის ჰქონდა ურთიერთობა, განსაკუთრებით 2009 წლიდან, დედის გარდაცვალების შემდეგ და ახლა, რუსეთ-უკრაინის ომის დროს. ხერსონის ოლქის, ნავატროის რაიონში, დედის მშობლიურ რაიონში, მრავლად ცხოვრობენ ვალენტინა კრიჟანოვსკაიას ახლობლები, სხვა ნაცნობები, უყვარს ირინა შულაძე—ცქიფურიშვილს უკრაინა და დედის ნათესავეები, რომელთა გვერდით ბავშვობა და ახალგაზრდობა გაატარა. როცა ირინას მამა სიმონ შეცილაძე და ვალენტინა კრიჟანოვსკაია დაქორწინდნენ, საქართველოში ჩამოვიდნენ საცხოვრებლად, ირინაც აქ დაიბადა 1962 წელს, ჭიათურაში. მერე უკრაინაში დაბრუნდნენ, ირინამ საშუალო სკოლა ქერჩში დაამთავრა, აქვე მიიღო ტექნიკური განათლება, 1990 წელს დაამთავრა ბელგოროდის უნივერსიტეტის ქიმიკ-ტექნოლოგიური ფაკულტეტი. პარალელურად სწავლობდა უმაღლეს პარტიულ სკოლაში და აქვს ახლა ირინას ოქროს მედალი და ორი ნიუთელი დიპლომი.

სწავლის პერიოდში გაიცნო ირინამ მომავალი მეუღლე ბეჟან ცქიფურიშვილი, რომელიც ბელგოროდის უნივერსიტეტის სამშენებლო ფაკულტეტზე სწავლობდა. უნივერსიტეტის დამთავრების შემდეგ, 1990 წელს, ბეჟანი მშობლიურ რაიონში, სოფელ რუფოთში დაბრუნდა, მშენებელი მეუღლესთან—ირინასთან ერთად. ოცდათორმეტი წელიწადია ირინა თერჯოლაში, სოფელ რუფოთში (ტელეფა) ცხოვრობს, უყვარს საქართველო და ქართველები, რუფოთის საჯარო სკოლის პედაგოგიური კოლექტივი, მოსწავლეები, მათი მშობლები, მთელი სოფელი. სკოლის დირექტორის კოტე გოგიაშვილის თქმით—იგი კარგი პედაგოგია, წარმატებებს აღწევს მუშაობაში.



ბეჟანმა და ირინამ ორი შვილი ქეთევანი და ზურაბი აღზარდეს, ორივეს უმაღლესი განათლება მისცეს, სიძე სულხან სამხარაძე, რძალი იამზე რობაქიძე, შვილიშვილები: საბა, გიორგი, დემეტრე მათთვის ყველაფერი.

უკრაინულ ტრადიციებზე აღზრდილი ირინა, მალე შეეგუა ქართულ წეს-ჩვეულებას, მოსწონს და უყვარს ყველაფერი ქართული, ცხადია უკრაინულიც, იგი ხშირად ამზადებს უკრაინულ კერძებს, საამოვნებს როცა უწონებენ, ცდილობდა ორი ერის ტრადიციები ერთმანეთს ისე შეერწყმოდა, რომ ორივეს სიდიადე და ღირსება წარმოეჩინა. განვლილი ცხოვრების თითქმის ნახევარი უკრაინაში, ნახევარი საქართველოში—ქვეყნების თანაბარი სიყვარული ჩამოყალიბდა და ნუხს ახლა ქართულ-უკრაინული ოჯახი—უკრაინაში მიმდინარე ომის გამო, მაგრამ რა შუუძლიათ! გამოსატყვევ თანადგომას, იზიარებენ მწუხარებას და საამოვნებით დაეხმარებიან რითაც შეძლებენ.



„სამსახურთან ერთად დაკავებული ვარ სოფლის მეურნეობით“—ო ისეთი მოკრძალებით თქვა ირინამ, გვეგონება სახალისოდ უვლიდეს ტალავერს, საბატიბუტო სიმინდი მოჰყავდეს და ეგ ზოტიკური ფრინველ-ცხოველი ჰყავდეს.

დიდი, შეძლებული და გამართული ოჯახი აქვს ბეჟან ცქიფურიშვილს, ქალბატონი ირინა, შვილები, შრომისმოყვარენი არიან და ეტყობათ კიდევ, აქვთ 2000 ძირი სრულმსხმოიარე ვენახი, ძირითადად ციციქა-ცოლიკაური და ოცხანური. უწევთ მძიმე შრომა, ვენახის ნაშობას მინიმუმ ათჯერ ატარებს, ტრადიციულ პრეპარატს იყენებს—კირს და შაბიამანს, ერთ ნაშობაზე 200-დან 800 ლიტრი ხსნარი სჭირდება, ყოველწლიურად 10 ტონა ყურძენს იღებს და გასაღების ბაზარიც თვითონ მოძებნა, მყიდველები სოფელშიც შემოდიან, ცდილობს აუხსნას მყიდველებს ღირსის დაყენების წესები, აძლევს რჩევებს, როგორი ღვინო დააყენა ყურძნის მყიდველმა ხანდახან იმასაც იძევს, უყვართ ოჯახში ყურძნის წურვის პროცესი, ოქროსფერი ყურძნით სავსე ხის ასწლიანი სანახელი.

ბეჟანი ახალი ვენახების გაშენებასაც ფიქრობს, ციციქა-ცოლიკაურს სხვა ჯიშებსაც შემატებს.

ოჯახში ჰყავთ რამდენიმე სული მსხვილფეხა, „ურიცხვი“ ფრინველი და მოჰყავთ სიმინდის მოსავალი...

ბედნიერია ქართულ-უკრაინული ოჯახი, სითბო და სიყვარული დასადგურებული, ოჯახის სიმყუდროვე ახლა დარღვეულია, მძიმეა მათთვის რუსეთ-უკრაინის ომი, უკრაინა ხომ თითქმის მეორე სამშობლოა.

შუშუნა ცხადაძე

„მეგობრები არ ითვლიან ქრომოსომებს“



ლონისძიებში მონაწილეობდნენ მუნიციპალიტეტში არსებული ბავშვთა დღის ცენტრების „საპოვნელასა“ და „იმედის სხვის“ აღსაზრდელები.

აქ მობრძანდნენ მუნიციპალიტეტის მერი ბატონი ლაშა გოგიაშვილი, საკრებულოს თავმჯდომარე ბატონი გიორგი ბარათაშვილი და ქ. თერჯოლის მაჟორიტარი დეპუტატი ქალბატონი ელისო მურადაშვილი, სხვა ოფიციალური პირები, საზოგადოების წარმომადგენლები.

შეკრებილთ სიტყვით მიმართა ბატონმა ლაშამ „კერძოდ, მან თქვა—„დღევანდელი დღის მიზანია დაუნის სინდრომის მქონე ადამიანების უფლებების დაცვა და საზოგადოებრივ ცხოვრებაში აქტიური მონაწილეობის უზრუნველყოფა. ამ ბავშვებს განსაკუთრებული სითბო და სიყვარული სჭირდება. მათ აქვთ შემოქმედებითი უნარი და ნიჭიერება, რომ გამოიჩინონ თავი. ჩვენ ყველაფერს ვავაკეთებთ საზოგადოებაში მათი სრული ინტეგრაციისათვის“.

მშვიდობა, ჯანმრთელობა და კეთილდღეობა უსურვა ბავშვებს, მათ ოჯახებსა და ახლობლებს. ლონისძიებზე წარმოდგენილი დღის ცენტრის

ბავშვების და სამხატვრო სკოლის მოსწავლეთა ნამუშევრები მოინონა მრავალრიცხოვანმა მწახველმა.



შთამბეჭდავმა ლონისძიებამ დაგვანახა, რომ ყველა ადამიანი თანასწორია და ჩვეულებრივი აქტივობით არის ჩართული საზოგადოებრივ ცხოვრებაში.

ლონისძიებზე შეკრებილი საზოგადოება გამოხატავდა გულწრფელ მადლიერებას ორგანიზატორთა მიერ აგრე რივ საჭირო და ლამაზი ლონისძიების მოწყობისათვის.

28 მარტიდან გაუქმდა ღია სივრცეში პირბადის ტარების ვალდებულება და მთელი რიგი სხვა შეზღუდვები...

ეს გადაწყვეტილება უწყებათაშორისმა საკოორდინაციო საბჭომ, საქართველოში არსებული ეპიდემიოლოგიური მდგომარეობის ანალიზის საფუძველზე მიიღო. პირბადის ტარების ვალდებულება შენარჩუნდება მხოლოდ დახურულ სივრცეებში და საზოგადოებრივ ტრანსპორტში.

გაუქმდა სტუმრების რაოდენობაზე მოქმედი შეზღუდვა, როგორც საზოგადოებრივი კვების ობიექტებზე, ასევე სპორტულ, სახელოვნებო თუ სხვა სახის ღონისძიებებზე, მათ შორის სოციალურ ღონისძიებებზე.

სამუშაო ადგილებს დაუბრუნდებიან დისტანციურ სა-

მუშაო რეჟიმში მყოფი საჯარო მოხელეები.

ამასთანავე, უქმდება თვითიზოლაციის ვალდებულება საქართველოს იმ მოქალაქეებისთვის, რომლებიც ქვეყანაში PCR-ტესტის გარეშე ბრუნდებიან.

უწყებათაშორისი საკოორდინაციო საბჭოს გადაწყვეტილებით, აპრილის განმავლობაში გაგრძელდება ვაქცინაციის ნახალისების პროგრამა, რომლის თანახმად, 50 წელს ზემოთ ასაკის მოქალაქეები ვაქცინის პირველი დოზით აცრის შემთხვევაში 200 ლარს მიიღებენ, ხოლო ე.წ. ბუსტერ დოზით აცრის შემთხვევაში, ამავე ასაკობრივი ჯგუფის პირებს 100 ლარი

ჩაერიცხებათ.

როგორც საბჭოს სხდომაზე აღინიშნა, საქართველო იქნება რეგიონში პირველი ქვეყანა, რომელიც „ფაიზერის“ მიერ შექმნილ კოვიდის სამკურნალო პრეპარატს მიიღებს. „პაქსლოვიდის“ პირველი დოზები ქვეყანაში მალე შემოვა და ქრონიკული დაავადებების მქონე პირებსა და რისკჯგუფების წარმომადგენლებს, ინფიცირების შემთხვევაში, ჯანმრთელობის მდგომარეობის გაართულების თავიდან ასაცილებლად, მკურნალობის კურსისთვის საჭირო მედიკამენტის დოზა უფასოდ გადაეცემათ.

ფორიაქი საუკუნეების სისხლიანი ლაქები

—ანდერძის თანახმად ალექსანდრე მაკედონელს კუბოს გარე კიდეზე გადმოადებინეს ხელი, რომ ხალხს დაენახა—მსოფლიო მპყრობელ-მბრძანებელს არაფერი მიჰქონდა თავის მარადიულ სამყოფელში;

—ნაპოლეონ ბონაპარტე ბრძოლებში ჭადრაკის დაფას თან ატარებდა, ბევრი პარტია მოიგო, ბოლოს თვითონაც დანებდა;

—ადოლფ ჰიტლერმა განსაცდელის ჟამს თავი სად შეაფარა? რაიხსტაგის რომელ ჯურღმულში? კაცი არ აღმოჩნდა დამნახველ-დამმარხველი...

—ისტორიამ შემოგვინახა ბევრი სხვა

მომხდურ ბოროტმზრახველთა სახელები: კოჭლი თემურ ლენგი, ყრუ მურვანყრუ; პირსისხლიანი შაჰ-აბასი, საჭურისი ალა მაჰმად ხანი და სხვა მრავალი.

ისტორიამ განსაჯა და დასასჯელი დასაჯა ყოველი!

ბოლოთქმა

ვინ იქნება შემდეგი?

ზენაარი ვის დასჯის, მოყვასს რომ გაებუტოს?!

„არა კაც ჰკლა“, არა შესცოდო, კეისარო!

—არც შენ, ბრუტუს!

ორი პარადოქსი

დუელი

ორი კარის მეზობელი სისხლით ნათესავი და ძმადნაფიცო. მუდამ სიკეთის თესლის მთესავი, სხვაგვარად როგორ ვთქვა—არ ვიცი ღმერთმანი.

როგორ ესროლა, ან რატომ ესროლა ერთმა მეორეს

ხელთათმანი?!

როგორ გაიმეტა, ან რატომ გაიმეტა დუელში სილა გასანვნილად?

მითხარით, ამისხენით—რა ჰქვია ამ ყველაფერს სახელად?

და წარსულის ექო...

ცოტნა დადიანი—ამოქა ღარღიანი!..

„ასეთი იყო ჩვენი წარსული:

სისხლი,

გოდება,

ჯვარცმა!

უცხო, უგვანა, გადამთიელმა

როგორც ჩანს, მაინც კაცმა

ცხოვრების მცოდნემ

—დაინდო ცოტნე“.

ეს მითი არის, თუ სინამდვილე, ამომიკითხავს

სადაც.

თვალეჭუტულა მონღოლი თვალის წინ მიდგას

ახლაც...

ნუგზარ გამყრალიძე

საგაზაფხულო ვერნისაჟი და სოლიდარობა უკრაინას...

24 მარტს, 2 საათზე, თერჯოლის მუნიციპალიტეტის სამხატვრო საგანმანათლებლო სკოლამ მორიგი ვერნისაჟი დააანონსა... სკოლას, რომელსაც უკვე 35-ზე მეტი წლის წარმატებული სასწავლო-სააღმზრდელო საქმიანობის ისტორია აქვს, მის დირექციასა და პედაგოგიურ კოლექტივს, აღსაზრდელებს თავყვანისმცემელთა თუ შემფასებელთა შორის მუდამ ჰყავს, უპირველესად, მშობლები, საზოგადოების წარმომადგენლები, მუნიციპალიტეტის მერიისა და საკრებულოს, ასევე ა(ა)იპ სახელოვნებო განათლების ხელმძღვანელი თუ რიგითი მუშაკები, რომლებიც ყოველ ახალ გამოფენას ინტერესითა და ახლის მოლოდინით ათვალიერებენ. ასე მოხდა მარტის იმ სუსხიან დღესაც...

საგამოფენო დარბაზის კედლებზე ლამაზად განთავსებული საგაზაფხულო თემატიკისადმი მიძღვნილი მოსწავლეთა ნამუშევრები გრაფიკის, ფერწერის, მინაზე ხატვის და ა.შ. ნიმუშები მეტყველებს იმაზე, რომ თაობა, რომელიც დღეს აქ ხელოვნების ამ უმშვენიერეს დარგთან „ნილნაყარობს“ სიყვარულით, რუდუნებით და შრომისმოყვარეობით ეუფლება მისთვის სასურველ საქმეს, რომლებიც შემდეგ თავიანთ მომავალ ცხოვრებაში გაიხდიან თუ არ გაიხდიან მას პროფესიად, ნამდვილად შეუწყობთ ხელს იყვნენ ღირსეული, დახვეწილგემოვნებიანი და ზნეობრივად სრულყოფილი ადამიანები.

საგაზაფხულო გამოფენისათვის სამზადისი გარკვეულწილად უკრაინაში განვითარებულ მოვლენებს დაემთხვა და ასე გაჩნდა გამოფენაზე პარალელურად რუსეთ-უკრაინის ომის თემატიკა. მოსწავლეებმა უკრაინის სიმბოლიკისა და სხვადასხვა სიტუაციების წარმოსახვით შექმნილი ნამუშევრებით უკრაინის მოსახლეობას და თანატოლებს სოლიდარობა გამოუცხადეს: საგაზა-

ფხულო ფერებთან ერთად დომინირებს ლურჯი და ყვითელი... არა ომს, დიდება უკრაინას—ასე გამოხატავენ პროტესტს ნორჩი „მხატვრები“...

საგაზაფხულო ვერნისაჟი გამორჩეულია კიდევ ერთი სიახლით: თეფშებზე შესრულებულმა ნამუშევრებმა, რომელიც პირველად არის წარმოდგენილი, მეტი ხიბლი შესძინა და ძალიანაც დაამშვენა გამოფენა.

და კიდევ ერთი და ძალიან მნიშვნელოვანი: გამოფენაზე არის ერთი ძალიან მნიშვნელოვანი ღირებული ნამუშევარი, რომელიც იმთავითვე ყურადღების ცენტრში მოექცა. მისი ავტორი გახლავთ გივი ნაქაძე... „აქ გამორჩეულ ნიჭიერებასთან გვაქვს საქმე, ამბობს სკოლის დირექტორი, ქალბატონი თამარ ლარიბაშვილი, უკვე 33 წელზე მეტია ამ სკოლაში ვმუშაობ, მრავალი საუკეთესო მოსწავლე გვყოლია, რომლებიც ღირსეულად მოღვაწეობენ სამხატვრო, საარქიტექტორო, სადინამიკო თუ სხვადასხვა მიმართულებით, რომელთა შესახებ სიამაყით დაუსრულებლად შემიძლია ვისაუბრო,




ყოველთვის მოცუბდა რომ აქ, ამ პატარა რაიონში ამდენი ხატვის ნიჭით დაჯილდოებული ბავშვი იყო, ჩვენმა სკოლამ ისინი აღმო-

არის, ის განსაკუთრებულ ნიჭიერებას და ტიტანურ შრომას მოითხოვს, ამ გზის გავლა გამორჩეულად შრომისმოყვარე


რავლე, რომლებიც დედაქალაქში და ქვეყნის სხვადასხვა კუთხეში მოღვაწეობენ. თამარმა ისაუბრა სამომავლო



გეგმა მგომეძე



გიორგი გომეძე



გიორგი ნაქაძე

ვანინეთ და გზა გავუკვალეთ. გივიკოს შემთხვევა სულ სხვაა, ის უნიკალურია და მის მომავალს სხვა განსაკუთრებულობაში ვხედავ. გავა წლები და დარწმუნებული ვარ ის ღირსეულად დაიმკვიდრებს თავს დიდ ხელოვნათა შორის... ის ძალიან ნიჭიერია, აქვს შინაგანი მოთხოვნილება, უნარი, ჰქონდეს იდეა, ჩანაფიქრი და შექმნას, შრომისმოყვარეა და მუშაობის პროცესი მისი ჰობია“.

თამარ ლარიბაშვილი ზერელებდ და უსაფუძვლოდ არასდროს არავისზე არ საუბრობს. მისი საუბარი მისი რწმენიდან მომდინარეობს, თავად შესანიშნავი მხატვარი და ხელოვნებათმცოდნე კარგად გრძობს გივიკოს შემთხვევაში ვისთანაც გვაქვს საქმე—ჩვენ ყველას ერთად...

ქალბატონმა თამარმა იმ დღეს დამთვალეობებს სხვა ნიჭიერი მოსწავლეებიც თუ ყოფილი მოსწავლეც წარუდგინა: მომავალი „არქიტექტორი“ გიორგი რობაქიძე, ყოფილი მოსწავლე ნიკა ზარნაძე, რომელიც გამოფენის გახსნას ესწრებოდა, მას საკუთარი ნაშრომის წარდგენისათვის თურქეთში საერთაშორისო ფესტივალზე, სერთიფიკატი და გრანპრი აქვს მიღებული, წარადგინა აგრეთვე ნიჭიერი გოგონა ანანო ობოლაძე, რომლის ნამუშევრები გამოფენაზე ყოველთვის იმსახურებს მონობას.

„ხელოვნების გზა იოლი არ

ნიჭიერ და მიზანდასახულ ადამიანს შეუძლია, დაძალებით ვერავის აიძულებს, ეს მისივე შინაგანი მოთხოვნილებიდან უნდა მოდიოდეს და ასეთ შემთხვევაში შეძლებს თავი დაიმკვიდროს ამ სფეროში“, აღნიშნა თამარმა.

საგაზაფხულო ვერნისაჟს სამხატვრო-საგანმანათლებლო სკოლაში, სხვებთან ერთად, მუნიციპალიტეტის მერის მოადგილე მანუჩარ რობაქიძე, მერიის კულტურის, განათლების, სპორტისა და ახალგაზრდულ საქმეთა სამსახურის უფროსი გურამ თურქაძე, მუნიციპალიტეტის საკრებულოს თავმჯდომარის მოადგილეები: დავით გოგებერაშვილი და ჯემალ ისაკაძე, აგრეთვე თერჯოლის მაჟორიტარი დეპუტატი ელისო მურადაშვილი და სხვები დაესწრნენ.

გამოფენასთან და სამხატვრო სკოლის საქმიანობასთან დაკავშირებით ისაუბრეს: მანუჩარ რობაქიძემ, გურამ თურქაძემ, ელისო მურადაშვილმა. თითოეულმა მათგანმა საზღვარსაღარ აღნიშნა, რომ სკოლა, მისი პედაგოგიკური ემსახურებიან უაღრესად მნიშვნელოვან საქმეს, რომ აქ გატარებული წლები თუ თითოეული დღე თერჯოლელი ახალგაზრდებისთვის, სკოლასთან ერთად, არის მრავლისმომცემი მათ სამომავლო საქმიანობაში.

აღინიშნა, რომ ქალბატონი თამარისა და პედაგოგების დამსახურებაა თერჯოლიდან ახალგაზრდა არქიტექტორთა სიმ-

გვემებზე. მნიშვნელოვანი ფაქტია, რომ სამხატვრო სკოლის კურსდამთავრებულები სკოლასთან ურთიერთობას შემდგომშიც აგრძელებენ იმის გამოხატულების ნიშნად, რომ მათ აქედან სიბო, სიყვარული და თანადგომა გაიყოლეს მიღებულ ცოდნასთან ერთად. უახლოეს მომავალში სამხატვრო სკოლაში ყოფილ მოსწავლეთა ნამუშევრების გამოფენის მოწყობას გააგრძელებენ.

მან აგრეთვე მადლიერება გამოხატა მუნიციპალიტეტის ხელმძღვანელობის მისამართით, რომლებმაც თერჯოლელ ბავშვებსა და აღმზრდელებს მუშაობის საუკეთესო პირობები შეუქმნეს, საკუთარი შენობა, უფასო სწავლა, რაც შემთხვევაში სამუშაო მასალა, მონესრიგებული გარემო, რომელზედაც მრავალი მუნიციპალიტეტის სკოლები ვერც იოცნებებენ, აღნიშნა თამარმა.

იყო სიორპრიზიც: ქალბატონმა თამარმა მერიისაგან საჩუქრად, ქუთაისის (იმერეთის) მხატვართა რეგიონული ორგანიზაციის „იმერეთის პალიტრის“ რამდენიმე ეგზემპლარი მიიღო, რომელშიდაც სხვა შემოქმედებთან ერთად, თერჯოლიდან, თამარ ლარიბაშვილის და ასევე ცნობილი თერჯოლელი მხატვრის, აკვარელისტ ნუგზარ ქოჩიაშვილის ნამუშევრებია წარმოდგენილი.

მზია ცაიფურიშვილი

<p>შპს „თერჯოლა“</p> <p>გამომცემელი ვალერიან ბოგიაშვილი 599 92 49 75</p> <p>მთავარი რედაქტორი დავით კლდიაშვილი 599 91 24 14</p> <p>სარედაქციო კოლეგია</p> <p>რეგისტრაციის №53/5/ზ-22 გამოდის თვეში ორჯერ</p>	<p>კორესპონდენტები:</p> <p>ნ. გამყრელიძე—555 78 08 55 ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41</p> <p>ელ-ფოსტა: gazetiterjola@mail.ru</p>	<p>აიწყო და დაკაბადონდა რედაქციის კომპიუტერულ ცენტრში</p> <p>მისამართი:</p> <p>ქ. თერჯოლა, კოსტავას ქუჩა №2 დაიბეჭდა ქუთაისის შპს „სომელი ინ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები:</p> <p>„ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
---	--	--	--